

Na osnovu člana 63. stav (1) tačka b) Zakona o visokom obrazovanju (prečišćeni tekst) („Službene novine TK, broj: 21/21, 22/21, 5/22, 11/22 i 16/22) i člana 52. stav (1) tačka b) Statuta JU Univerzitet u Tuzli, uz prethodno pribavljeno Mišljenje Upravnog odbora JU Univerzitet u Tuzli broj: 04-3363-1-5/22 od 23.06.2022. godine, Odluke o davanju prethodne saglasnosti Vlade Tuzlanskog kantona broj: 02/1-34-15648-1/22 od 22.09.2022. godine Senat Univerziteta u Tuzli na sjednici održanoj 30.09.2022. godine donio je

ODLUKU
o izmjenama i dopunama Statuta JU Univerzitet u Tuzli

Član 1.

U Statutu Univerziteta u Tuzli broj: 03-730-1/17 od 03.02.2017.godine, broj: 03-593-1-1/ 20 od 30.01.2020. godine, broj: 03-4232-1-1/20 od 21.09.2020. godine i broj: 03-6094-1/20 od 17.12.2020. godine član 25. mijenja se i glasi:

„Član 25.
(Strukturalne jedinice)

„(1) Unutrašnja organizacijska struktura Univerziteta, za ostvarivanje osnovnih zadataka iz stava (2) člana 24. Statuta zasniva se na uspostavljanju:

- a) organizacionih jedinica: fakulteta, Akademije dramskih umjetnosti (dalje: Akademija), sa pripadajućim studijskim odsjecima, Studentskog centra i instituta,
- b) podorganizacionih jedinica Univerziteta, fakulteta/Akademije.

(2) Strukturalne jedinice iz tačke b) stava (1) ovog člana su fakultativnog karaktera, a odluku o njihovom uspostavljanju i nadležnostima donosi Senat, na prijedlog Rektora ili NNV/UNV-a fakulteta/Akademije, u skladu sa zakonom i ovim Statutom.

(3) Radi pružanja podrške u realizaciji naučno-nastavnog/umjetničko-nastavnog i naučno-istraživačkog/umjetničko-istraživačkog rada na nivou Univerziteta se mogu osnovati podorganizacione jedinice iz stava (1) tačke b) ovog člana kao što su: Centar za osiguranje kvaliteta i internu evaluaciju (u daljem tekstu: COKIE), Univerzitetska biblioteka, Media centar, Centar za sport, kulturu i umjetnost (CESKU), Centar za informacione tehnologije (u daljem tekstu: CIT), Centar za cjeloživotno učenje, Centar za podršku studentima sa invaliditetom, Centar za razvoj karijere, Centar za izdavačku djelatnost, Centar za NIR, Centar za razvoj i poduzetništvo, Alumni Univerziteta, instituti, u skladu sa zakonom i ovim Statutom.

(4) U svrhu pružanja podrške naučno-nastavnoj djelatnosti, u funkciji realizacije studijskih programa svih ciklusa studija, sticanja praktičnih vještina studenata kao i u funkciji ostvarivanja rezultata naučno-istraživačkog/umjetničko-istraživačkog rada i komercijalizacije rezultata tog rada, na fakultetima i Akademiji se mogu organizovati podorganizacione jedinice kao što su: instituti, klinike, zavodi, laboratorije, poslovno-tehnološki parkovi, centri, radionice, inženjerski biro, scena, radio i sl., u skladu sa zakonom, ovim Statutom i drugim opštim aktima Univerziteta.

(5) Odluku o osnivanju podorganizacione jedinice Univerziteta iz stava (3) ovog člana donosi Senat Univerziteta na prijedlog Rektora, a za osnivanje podorganizacione jedinice fakulteta/Akademije iz stava (4) ovog člana Senat na prijedlog NNV/UNFakulteta/Akademije.

(6) Uz prijedlog odluke o osnivanju podorganizacione jedinice iz stavova (3) i (4) ovog člana ovlašteni predlagrač dostavlja i elaborat koji sadrži: pravni osnov za osnivanje, cilj i potrebu osnivanja, nadležnost podorganizacione jedinice, ispunjenje kadrovskih, prostornih i drugih pretpostavki za njeno osnivanje, način finansiranja i druga relevantna pitanja u skladu sa Zakonom, Statutom i drugim opštim aktima Univerziteta.

(7) Senat Univerziteta, na prijedlog NNV/UNV fakulteta/Akademije može uspostaviti katedre kao podorganizacione jedinice fakulteta/Akademije/odsjecka, u skladu sa zakonom“.

Član 2.

U članu 26. u stavu (2) tačka c) se mijenja i glasi:

„c) Prorektor za međunarodnu i međuuniverzitetsku saradnju“;

U istom stavu iza tačke c) dodaju se nove tačke d) i e) koje glase:

„d) Prorektor za osiguranje kvaliteta i internu evaluaciju;

„e) Prorektor za digitalizaciju“;

Dosadašnje tačke d), e), f), g) i h) postaju tačke f), g), h), i) i j).

Član 3.

U članu 31. naziv člana se mijenja i glasi:

„ Član 31.

(Naučno-nastavne baze)“

Član 4.

U članu 52. u stavu (1) u tački b) iza riječi „Statut“ dodaju se riječi „ i Pravilnik o radu Alumnija Univerziteta“.

Član 5.

U članu 83. naziv člana se mijenja i glasi:

„Član 83.

(Prorektor za međunarodnu i međuuniverzitetsku saradnju)

U istom članu, u stavu (1) i (2) riječi „Prorektor za međuuniverzitetsku saradnju u zemlji i inostranstvu“ zamjenjuju se riječima „Prorektor za međunarodnu i međuuniverzitetsku saradnju“.

Član 6.

Iza člana 83. dodaju se novi članovi 83a. i 83b. koji glase:

„Član 83a.

(Prorektor za osiguranje kvaliteta i internu evaluaciju)

„(1) Prorektor za osiguranje kvaliteta i internu evaluaciju odgovoran je za obavljanje poslova iz svoje nadležnosti, a posebno:

a) organizuje rad i rukovodi COKIE;

b) koordinira provođenje politike osiguranja kvaliteta i interne evaluacije;

c) prati i dokumentuje indikatore resursa, procesa i performansi Univerziteta i radi na jačanju upravljačkih funkcija Univerziteta, efikasnijoj distribuciji zadataka i resursa i integraciji administracije;

d) rukovodi koordinatorima kvaliteta organizacionih jedinica Univerziteta;

e) organizuje i rukovodi informisanjem i obukom zaposlenika i studenata u oblasti osiguranja kvaliteta;

f) nadzire mjere koje provode katedre, odsjeci, fakulteti i druge organizacione jedinice u osiguranju kvaliteta na svim ciklusima studija;

g) osigurava koherenciju eksternih i internih mehanizama osiguranja kvaliteta;

h) koordinira aktivnostima u donošenju, objavljivanju, provođenju i unaprijeđenju procedura i uputstava za standardne procese, u skladu sa namjenom i ciljevima;

- i) nadzire balans između naučno-istraživačkog rada i nastave, formalne mehanizme odobrenja, periodičnog pregleda i monitoringa programa i usmjerenja,
 - j) provodi periodičnu evaluaciju indikatora kvaliteta Univerziteta i njegovih organizacionih jedinica,
 - k) aktivno sudjeluje u procesu akreditacije Univerziteta,
 - l) prati konzistentnost i objavljivanje kriterija, regulativa i procedura za prijem i ispitivanje studenta i postupanje za izostanke i studentske prigovore,
 - m) rukovodi aktivnostima provjere i izrade pokazatelja kvalificiranosti i kompetentnosti nastavnog osoblja,
 - n) prati adekvatnost nastavnih resursa za podršku studentima u skladu sa nastavnim programima i ciljevima studiranja,
 - o) osigurava prikupljanje i analizu relevantnih podataka za efikasno upravljanje studijskim programima,
 - p) koordinira aktivnostima kojima se osigurava institucionalna transparentnost objavljivanjem tačnih, cjelovitih i objektivnih informacija o programima i stepenima koji se nude studentima,
 - r) osigurava adekvatnu uključenost studenata u provođenje politike osiguranja kvaliteta,
 - s) učestvuje u pripremi sjednica Senata i istima prisustvuje, bez prava odlučivanja,
 - t) najmanje jednom godišnje podnosi izvještaj o svom radu Rektor i Senatu Univerziteta.
- (2) U obavljanju poslova iz svog djelokruga rada ostvaruje potrebnu saradnju sa drugim prorektorima/uredima/službama, nadležnim rukovodnim i drugim organima, te nastavnim i drugim osobljem Univerziteta“.

„Član 83 b.

(Prorektor za digitalizaciju)

- (1) Prorektor za digitalizaciju rukovodi CIT i odgovoran je za obavljanje poslova iz svoje nadležnosti, a posebno:
- a) izrađuje i provodi mapu razvoja IT-a na Univerzitetu;
 - b) donosi i ažurira „IT Pravila“ na Univerzitetu ;
 - c) godišnje izrađuje plan IT obuke: studenata, nastavnika, saradnika, administracije, IT osoblja;
 - d) implementira podršku učenju u digitalnom okruženju na svim organizacionim jedinicama i studijskim programima;
 - e) godišnje izrađuje i ažurira Priručnik za korištenje IT resursa na Univerzitetu u Tuzli;
 - f) radi na poboljšanju u prikupljanju, analizi i prezentaciji podataka;
 - g) vodi računa o funkcionalnosti, dostupnosti i pouzdanosti studentskih online usluga na organizacionim jedinicama;
 - h) vodi računa o razvoju softverske podrške za administrativni dio upravljanja nastavnim, naučnim, stručnim i istraživačkim projektima;
 - i) vodi računa o razvoju informacionog sistema za praćenje naučno-istraživačkog/umjetničko-istraživačkog rada na Univerzitetu;
 - j) vodi računa o integralnom sistemu na Univerzitetu i integraciji usluga studentima, nastavnicima i administrativnom osoblju Univerziteta;
 - k) tehnički i organizaciono vodi CIT;
 - l) planira, vodi i promoviše projekte vezane za informacijske tehnologije;
 - m) koordinira sve aktivnosti vezane za implementaciju i unaprjeđenje rada CIT-e;
 - n) učestvuje u analizi, dizajniranju i projektovanju informacijskog sistema Univerziteta;
 - o) prati nove tehnologije i analizira njihove primjene na Univerzitetu;
 - p) vrši analizu i plansko proširenje resursa vezanih za Internet, mrežne i druge usluge;

- r) daje prijedloge planova rada i razvoja CIT-a;
 - s) po ukazanoj potrebi učestvuje u pripremi sjednica Senata i istima prisustvuje, bez prava odlučivanja;
 - t) najmanje jednom godišnje podnosi izvještaj o svom radu Rektor i Senatu Univerziteta.
- (2) U obavljanju poslova iz svog djelokruga rada ostvaruje potrebnu saradnju sa drugim prorektorima/uredima/sluzbama, nadležnim rukovodnim i drugim organima, te nastavnim i drugim osobljem Univerziteta“.

Član 7.

U članu 93. u stavu (1) tačka j) se briše.
Dosadašnje tačke k), l) i m) postaju tačke j), k) i l).

Član 8.

U članu 105. u stavu (2) iza tačka f) dodaju se nove tačke g) i h) koje glase:
„g) Centri iz članova 83a. i 83b. Statuta;
h) Centar za sport, kulturu i umjetnost“.

Član 9.

U članu 106. iza riječi “evaluaciju“ dodaju se riječi „te jedinica interne revizije“.

Član 10.

Iza člana 106. dodaju se novi članovi 106 a., 106 b. i 106 c. koji glase:

“Član 106 a.

(Centar za izdavačku djelatnost)

- (1) Izdavačku, štamparsku i knjižarsku djelatnost Univerzitet realizuje putem Centra za izdavačku djelatnost.
- (2) Centar za izdavačku djelatnost Univerziteta je podorganizaciona jedinica Univerziteta koja organizuje i vrši izdavačku djelatnost i s njom povezanu štamparsku, knjižarsku i ostale djelatnosti, utvrđene članom 21. Statuta Univerziteta, u skladu sa zakonom.
- (3) Centar iz stava (2) ovog člana nema svojstvo pravnog lica i ne može samostalno nastupati na tržištu.
- (4) Izdavačka djelatnost Univerziteta je u funkciji obrazovanja studenata, te razvoja sveukupne naučno-nastavne djelatnosti Univerziteta.
- (5) Izdavačka djelatnost Univerziteta obuhvata objavljivanje publikacija (udžbenika, monografija, naučnih knjiga, zbornika radova, naučnih časopisa, izdavanja Univerzitetskih periodičnih publikacija, kao i drugih izdanja.
- (6) Organizacija izdavačke djelatnosti, način obavljanja izdavačke djelatnosti, finansiranje, uslovi i druga pitanja u vezi sa realizacijom izdavačke djelatnosti Univerziteta bliže će se urediti Pravilnikom o izdavačkoj djelatnosti koji donosi Senat Univerziteta“.

„Član 106 b.

(Centar za sport, kulturu i umjetnost)

Centar za sport, kulturu i umjetnost (CESKU) je podorganizaciona jedinica Univerziteta u čijoj nadležnosti je:

- organizacija rada, korištenje i održavanje sportskih dvorana Univerziteta, osim za dvoranu i sportske terene koji su u funkciji naučno-nastavne i naučno-istraživačke djelatnosti Fakulteta za tjelesni odgoj i sport,
- podrška organizaciji nastave iz tjelesnog odgoja i sporta,
- organizacija univerzitetskih, fakultetskih promocija, studentskih predstava i drugih manifestacija,
- organizacija sportskih, umjetničkih i kulturnih manifestacija i takmičenja,
- promovisanje kulture življenja kroz sportske, kulturne i umjetničke aktivnosti među zaposlenicima i studentima,
- druge aktivnosti iz oblasti sporta, kulture i umjetnosti, a što će se bliže urediti posebnim opštim aktom Univerziteta“.

**„Član 106 c.
(Alumni Univerziteta)**

- (1) Alumni Univerziteta ima za cilj okupljanje i održavanje veze sa svojim diplomiranim studentima koji žive i djeluju izvan Bosne i Hercegovine radi uspostavljanja čvrste saradnje, razmjene informacija i iskustava, zajedničkog organizovanja stručnih i sličnih edukativnih skupova, širenja ugleda i promocije fakulteta/ADU na kojima su diplomirali., te povećanja osjećaja pripadnosti (Alma mater) i povezanosti sa sadašnjim studentima fakulteta/ADU Univerziteta na kojem su diplomirali.
- (2) Alumni aktivnosti se realizuju uspostavom alumni mreža na fakultetima/ADU, sa perspektivom objedinjavanja svih alumni članova i osnivanje jedinstvenog udruženja.
- (3) Ured za međunarodnu i međuuniverzitetsku saradnju Univerziteta vrši integraciju mreža alumni članova fakulteta i vodi jedinstvenu mrežu svih njegovih članova.
- (4) Posebnim opštim aktom Univerziteta, koji donosi Senat Univerziteta, bliže će se urediti rad alumni Univerziteta“.

Član 11.

U članu 108. u stavu (1) iza tačke c) dodaje se nova tačka d) koja glasi:
„d) druge podorganizacione jedinice u funkciji integracije radnih procesa“.

Član 12.

U članu 112. u stavu (1) tačka f) se briše.
Dosadašnja tačka g) postaje tačka f).

Član 13.

Član 117. mijenja se i glasi:

„Član 117.

(Izdavački savjet)

- „(1)Izdavački savjet je stručno savjetodavno tijelo Senata kojeg imenuje i razrješava Senat Univerziteta, na prijedlog Rektora, iz reda zaposlenih nastavnika Univerziteta, s tim da svaki fakultet ima svog predstavnika u istom.
- (2)Izdavački savjet ima trinaest članova od kojih je jedan predsjednik i dopredsjednik, a koji se imenuju na period od dvije godine, s mogućnošću još jednog imenovanja.
- (3)Izdavački savjet donosi Poslovnik o svom radu“.

Član 14.

U članu 122. stav (3) se briše.
Dosadašnji stav (4) postaje stav (3).

Član 15.

U članu 132. u stavu (2) umjesto tačke stavlja se zarez i dodaju riječi „ javnim glasanjem“.

Član 16.

U članu 136. u stavu (1) riječi „Rektora ili“ brišu se.

U stavu (2) istog člana riječ „Rektora“ zamjenjuje se riječima „NNV/UNV“.

Stav (8) mijenja se i glasi:

„(8) U slučaju prijevremenog razrješenja dekana fakulteta/Akademije, NNV/UNV na prijedlog bilo kojeg člana na istoj sjednici, tajnim glasanjem, većinom glasova prisutnih članova bira vršioca dužnosti dekana na period od najduže 6 mjeseci“.

Član 17.

U članu 142. u stavu (1) riječi „ odlukom dekana ili“ brišu se.

U stavu (2) riječ „dekana“ briše se.

Član 18.

Član 162. mijenja se i glasi:

„Član 162.

(Rukovođenje centrima)

Radom COKIE, CIT-e rukovode prorektori, a radom centara iz člana 105. stav (2) tačke f) i h) ovog Statuta rukovode voditelji“.

Član 19.

Član 163. mijenja se i glasi:

„Član 163.

(Izbor voditelja)

(1) Voditelja centra, osim Voditelja CESKU, bira Senat Univerziteta tajnim glasanjem iz reda zaposlenih nastavnika Univerziteta nakon provedene procedure internog konkursa, na mandatni period od četiri godine, s tim da može biti izabran još jednom.

(2) Djelokrug rada radnog mjesta Voditelj CESKU i uslovi za obavljanje istog bliže će se urediti Pravilnikom o unutrašnjoj organizaciji i sistematizaciji radnih mjesta na Univerzitetu, a način popune istog u skladu sa zakonom i opštim aktom Univerziteta“.

Član 20.

U članu 164. u stavu (1) iza riječi „Voditelja“ stavlja se zarez i dodaju riječi „ osim Voditelja CESKU“ i stavlja zarez“.

U stavu (3) iza riječi „Voditelja“ stavlja se zarez i dodaju riječi „ osim Voditelja CESKU“ i zarez“.

Član 21.

U članu 181a. riječi „Senat Univerziteta posebnom odlukom može omogućiti studentu upis u narednu godinu studija i bez ispunjavanja svih ili samo pojedinih uslova propisanih zakonom i Statutom Univerziteta“ zamjenjuju se riječima „student ima pravo upisa naredne godine studija uz mogućnost prenosa najviše 20 ECTS bodova, odnosno najviše četiri nastavna predmeta nezavisno koliko zajedno nose ECTS bodova“.

Član 22.

U članu 189. stav (1) mijenja se i glasi:

„(1) Student prvog i integriranog prvog i drugog ciklusa studija koji se finansira iz Budžeta Kantona, nakon što izgubi status studenta u smislu stava (4) člana 188. Statuta zadržava status redovnog studenta koji se sam finansira do okončanja ciklusa studija i pri upisu narednih godina studija plaća puni iznos školarine“.

Iza stava (1) dodaje se novi stav (2) koji glasi:

„(2) Student drugog i trećeg ciklusa studija koji ne okonča studij u propisanim rokovima i kojem, po tom osnovu prestane status studenta, može nastaviti studij na način i u postupku propisanom Pravilima studiranja na tim ciklusima studija, uz obavezu plaćanja dodatne participacije u visini koju utvrđuje Upravni odbor Univerziteta“.

Dosadašnji stavovi (2) i (3) postaju stavovi (3) i (4).

Član 23.

U članu 217. u stavu (2) riječi “i može trajati najduže jednu akademsku godinu“ briše se .

Stav (4) briše se.

Član 24.

U članu 236. iza stava (5) dodaje se novi stav (6) koji glasi:

„(6) Zahtjev za produženje izbornog perioda asistent, odnosno viši asistent podnosi 60 dana —dana prije isteka izbornog perioda, a uz isti, osim na Akademiji, prilaže potvrdu matičnog fakulteta da je upisan na drugi, odnosno treći ciklus studija na Univerzitetu, te izjavu da nije stekao stručni stepen magistra, odnosno naučni stepen doktora nauka na drugom univerzitetu.

Doasadašnji stav (6) koji postaje stav (7) mijenja se i glasi:

„(7) Odluku o produženju izbornog perioda saradnika, na obrazložen prijedlog NNV/UNV fakulteta/Akademije, u smislu stavova (4), (5) i (6) ovog člana, donosi Senat Univerziteta a isto se može koristiti samo jednom. Postojanje potrebe za saradnikom u nastavnom procesu NNV/UNV obrazlaže na temelju minimalne norme saradnika, utvrđene Standardima i normativima visokog obrazovanja u TK“.

Dosadašnji stavovi (7) i (8) postaju stavovi (8) i (9).

Član 25.

Član 244. briše se.

Član 26.

U članu 251. u stavu (1) tačka b) mijenja se i glasi:

„b) Javni konkurs za izbor nastavnika i saradnika sa zasnivanjem radnog odnosa zbog postojanja potrebe za akademskim osobljem na prvom i integriranom prvom i drugom ciklusu studija“.

Stavovi (2) i (3) mijenjaju se i glase:

„(2) Javni konkurs iz tačaka b) i c) stava (1) ovog člana obavezno se objavljuje u jednom od dnevnih listova i na web stranici Univerziteta.

(3) Na javni konkurs za izbor nastavnika i saradnika sa zasnivanjem radnog odnosa ima pravo prijaviti se i učestvovati na konkursu i lice koje je izabrano na Univerzitetu u naučno-nastavno/umjetničko-nastavno zvanje a nema zaključen ugovor o radu“.

Iza stava (3) dodaje se novi stav (4) koji glasi:

„(4) U slučaju da se, u smislu stava (3) ovog člana na javni konkurs prijavi i lice koje ima izbor u zvanje, te da nakon izvršenog rangiranja prijavljenih kandidata, primjenom posebnog akta Univerziteta

bude prvorangirani, sa istim se, po konačnoj odluci Senata zasniva radni odnos za preostali period izbornog zvanja“.

Dosadašnji stav (4) postaje stav (5).

Član 27.

U članu 255. u stavu (1) tekst „člana 254.“ zamjenjuju se tekstem „ člana 253“.

Član 28.

U članu 261. stav (1) mijenja se i glasi:

„(1) Univerzitet može za potrebe izvođenja nastave, putem javnog konkursa koji se objavljuje u dnevnom listu i na web stranici Univerziteta izabrati u naučno-nastavno/umjetničko-nastavno zvanje lice koje ispunjava propisane uslove za izbor i angažovati u nastavi lice bez zaključenog ugovora o radu.

Iza stava (9) dodaje se novi stav (10) koji glasi:

„(10) Ugovor o angažovanju u izvođenju nastave, u smislu stava (9) ovog člana ne može se zaključiti sa licem koje je pravosnažno osuđeno na kaznu zatvora u trajanju dužem od tri mjeseca, a u slučaju da je ugovor o angažovanju zaključen, Rektor Univerziteta će, bez odlaganja jednostrano raskinuti zaključeni ugovor o angažovanju u izvođenju nastave po saznanju o postojanju slučaja iz stava (3) člana 59. Zakona o visokom obrazovanju (prečišćeni tekst), („Službene novine TK“, broj: 21/21)“.

Dosadašnji stav (10) postaje stav (11).

Član 29.

U članu 262. u stavu (2) riječi „za nostrifikaciju i ekvivalenciju inostranih visokoškolskih diploma“ zamjenjuju se riječima „za akademsko priznavanje inostranih stepena i diploma u svrhu nastavka obrazovanja na Univerzitetu“.

Član 30.

U članu 268. iza stava (1) dodaje se novi stav (2) koji glasi:

„(2) U sukobu interesa sa Univerzitetom nalazi se i lice koje je na Univerzitetu izabrano u zvanje nastavnika ili saradnika, bez zaključivanja ugovora o radu, ukoliko se angažuju na drugoj visokoškolskoj ustanovi bez prethodnog odobrenja Senata Univerziteta.

Dosadašnji stavovi (2), (3) i (4) postaju stavovi (3), (4) i (5).

Iza stava (5) dodaje se novi stav (6) koji glasi:

„(6) Nastavnik/saradnik koji se angažuje na drugoj visokoškolskoj ustanovi bez odobrenja Senata iz stava (2) ovog člana isključiti će se iz nastavnog procesa na Univerzitetu, a isti po isteku izbornog perioda ne može biti biran u isto ili više naučno-nastavno zvanje na Univerzitetu“.

Član 31.

U članu 270. stav (4) mijenja se i glasi:

„(4) Osnov, uslovi i dužina trajanja neplaćenog odsustva sa rada bliže se utvrđuju opštim aktom iz člana 269. stav (3) Statuta“.

Član 32.

U članu 273. stav (2) mijena se i glasi:

„(2) O pojedinačnim pravima i obavezama iz radnog odnosa Rektora odlučuje Upravni odbor Univerziteta ili njegov član kojeg ovlasti Upravni odbor“.

Član 33.

U članu 282. u stavu (2) riječi „u skladu sa opštim aktima Univerziteta“ brišu se.

Član 34.

U članu 300. stav (1) mijenja se i glasi:

„(1) Student imatrikulant ima pravo dovršiti započeti studij po nastavnom planu i nastavnom programu koji je važio prilikom upisa u prvu godinu studija i steći odgovarajući stručni, odnosno naučni naziv prema propisima koji su važili u vrijeme upisa u prvu godinu studija, isključujući retroaktivnu primjenu dodatnih obaveza“.

Stav (2) briše se.

Stav (3) koji postaje stav (2), mijenja se i glasi:

„(2) Odredbe člana 188. stavovi (3), (4), (5), (6), (7), (8), (9) i (10) Statuta primjenjuju se na studente dodiplomskog/prvog i integrisanog prvog i drugog ciklusa studija koji su studij započeli prije akademske 2016/17 godine a koji isti nisu okončali do kraja akademske 2019/2020 godine, primjenjuju se na iste do kraja akademske 2024/2025. godine.“

Stav (4) se briše.

Dosadašnji stavovi (5) i (6), koji postaju stavovi (3) i (4) mijenjaju se i glase:

„(3) Licima koja nisu okončala jednogodišnji ili dvogodišnji studij za sticanje akademskog zvanja magistra nauka, ili ekvivalenta/postupak za sticanje naučnog stepena doktora nauka do kraja akademske 2020/21 godine, prestaje status studenta, o čemu dekan fakulteta/Akademije donosi rješenje.“

(4) Lice iz stava (3) ovog člana ima pravo podnijeti zahtjev za nastavak studija do kraja akademske 2021/2022 godine, te rješenjem dekana može nastaviti započeti studij/postupak za sticanje naučnog stepena doktora nauka po odredbama ranijih propisa, uz obaveznu plaćanja dodatne participacije i/ili neizmirene školarine čiju visinu uvtrđuje Upravni odbor Univerziteta, uz prethodnu saglasnost Vlade Kantona“.

Iza stava (4) dodaje se novi stav (5) koji glasi:

„(5) Pravo na nastavak studija, u smislu stavova (3) i (4) ovog člana može se ostvarivati do kraja akademske 2024/2025 godine, s tim da se zahtjev podnosi za svaku narednu akademsku godinu, 30 dana prije isteka tekuće akademske godine“.

Član 35.

Ova Odluka stupa na snagu danom donošenja.

UNIVERZITET U TUZLI

Broj: 03-5251-1-1/22

Tuzla, 30.09.2022. godine



PREDSJEDAVAJUĆA SENATA

Nermina Hadžigrahić
Dr.sc. Nermina Hadžigrahić, red. prof.